

# ORIZONTS

## FORUM

### Cuschinier

### ed aunc bia auter vitier ...

Quei san ins dir da *Toni Darms*. El ei hosp alla proxima sera «da cuminonza a Ruschein». Sch'el raquenta co el ei vegnius sco giuvenot da 16 onns a sia piazza d'emprendissadi, sche ei quei oz strusch da crer. Sch'el menziunescha la cazzetta giganta che la «Gilde» veva schau far igl onn 2004 per contonscher il record mundial da far risotto, sche fa quei impressiun aunc oz. E tgei che ha fatg surstar bein enqual ei ch'el ha decidu, suenter ch'el ha giu menau otg onns ensemen cun sia dunna *Imelda* la Stiva Veglia a Schnaus, dad ir a cuschinar en ina claustra.

Dapi sis onns ei Toni Darms uss pensiunaus. Star culs mauns a calun ei nuot per el. El ei menader da turas dil Club alpin svizzer. Pigl Uffeci dil traffic plaun controllescha el sendas da viandar en Surselva. Ed el s'engascha per la «Via Glion». Gie, e commember dil parlament dalla vischnaunca dad Ilanz/Glion eis el era aunc staus – ed el manegia che leu hagi el empriu ina massa. Tgei, gliez vegn el speronza a tradir alla sera «da cuminonza». L'entrada ei gratuita e beinvegnidas ein sco adina era persunas d'ordeifer.



**Toni Darms da Ruschein che habitescha a Glion.**

FOTO MAD

**«Da cuminonza» cun Toni Darms. Gliendisgis, ils 3 da mars 2025, 20.15, casa da scola Crestas, stanza 11, Ruschein. Dapli sin [www.dacuminonza.ch](http://www.dacuminonza.ch)**

*Maria Cadruvi*